

Na osnovu člana 16. Zakona o upravi („Službeni glasnik BiH“, br. 32/02, 102/09 i 72/17), člana 49. alineja 1) i 2) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), člana 12. Statuta Agencije za razvoj visokog obrazovanja i obezbjeđivanje kvaliteta (Službeni glasnik BiH, br. 86/09), direktor Agencije uz saglasnost Upravnog odbora Agencije sa -----sjednice, održane dana-----2022. godine, donosi

PRAVILNIK

O NAČINU PROVOĐENJA JAVNOG KONKURSA ZA IZBOR DOMAĆIH I MEĐUNARODNIH STRUČNJAKA ZA OCJENJIVANJE I REVIZIJU KVALITETA I DAVANJE PREPORUKA O AKREDITACIJI VISOKOŠKOLSKIH USTANOVA I STUDIJSKIH PROGRAMA

Član 1.

(Predmet)

Ovim pravilnikom se razrađuje postupak raspisivanja i provođenja javnog konkursa za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa (u daljem tekstu: stručnjaci), sadržaj obrazca prijave na javni konkurs, način podnošenja prijave i postupak utvrđivanja Liste stručnjaka.

Član 2.

(Raspisivanje javnog konkursa)

- (1) Javni konkurs za izbor stručnjaka raspisuje se na osnovu odluke direktora Agencije.
- (2) Tekst javnog konkursa sadrži: preambulu, nazive kategorija stručnjaka za koje se raspisuje javni konkurs, kriterijume za izbor svih kategorije stručnjaka, naučne i umjetničke oblasti za koje se raspisuje javni konkurs, informacije o načinu dostavljanja prijava, rok za podnošenje prijave na javni konkurs, kao i posebnu napomenu Agencije o dostavljanju utvrđene Liste stručnjaka na usvajanje svim nadležnim ministarstvima obrazovanja u BiH i nadležnom odjeljenju za obrazovanje u Brčko distrikta BiH).
- (3) Preambula javnog konkursa sadrži pravni osnov raspisivanja i puni naziv Agencije za razvoj visokog obrazovanja i obezbjeđivanje kvaliteta BiH, koja raspisuje javni konkurs.
- (4) U naslovu se navodi puni naziv javnog konkursa za raspisivanje stručnjaka.
- (5) U nazivu kategorije stručnjaka navodi se da se javni konkurs raspisuje za izbor, u pravilu po svim kategorijama stručnjaka: stručnjaci predstavnici akademske zajednice u BiH, stručnjaci predstavnici privrede i prakse, međunarodnih stručnjaka i stručnjaci iz kategorije studenata.
- (6) U kriterijima za izbor stručnjaka navode se kriteriji koje trebaju ispunjavati sve kategorije stručnjaka, koji su određeni Odlukom o kriterijima za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa.

Član 3.

(Objavljivanje javnog konkursa)

Javni konkurs za izbor stručnjaka se objavljuje na web stranici Agencije, a obavještenje

o raspisivanju javnog konkursa se objavljuje u trima visokotiražnim dnevnim novinama čija se distribucija vrši na cijeloj teritoriji Bosne i Hercegovine.

Član 4. (Prijava na javni konkurs)

- (1) Prijavljivanje na javni konkurs vrši se elektronski, popunjavanjem obrasca prijave za javni konkurs (u daljem tekstu: prijava). U prijavu se unose lični podaci kandidata, kontakt podaci i podaci o ispunjenost kriterijuma za određenu kategoriju stručnjaka koji su određeni Odlukom o kriterijima za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa, sa navođenjem linka o dostupnosti navedenih podataka.
- (2) Sastavni dio prijave je izjava kandidata o tačnosti podataka koji su navedeni u prijavi.
- (3) Prijava na službenim jezicima u Bosni i Hercegovini i na engleskom jeziku, objavljuje se na web stranici Agencije (www.heg.gov.ba), uz svaki objavljeni javni konkurs.

Član 5. (Rok za podnošenje prijava)

Rok za prijavljivanje na javni konkurs je 60 dana od dana objavljivanja obavještenja o raspisivanju javnog konkursa u dnevnim novinama, a ukoliko obavještenje o raspisivanju javnog konkursa nije objavljeno isti dan u trima visokotiražnim novinama koje su dostupne na cjelom području BiH, rok se računa od dana objavljivanja obavještenje u dnevnim novinama koje su posljednje objavile obavještenje.

Član 6. (Prijem i zavođenje prijava)

- (1) Zaprimljene prijave se po završetku roka za prijavljivanje printaju i u papirnoj formi zavode u pisarnici Agencije na posebnom obrazcu sa naznakom rednog broja prijema prijave i datumom prijema.
- (2) Po isteku roka za dostavljanje prijava, prijave se ulažu u poseban registrator javnog konkursa i predaju sekretaru Komisije za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa (u daljem tekstu: Komisija).

Član 7. (Razmatranje prijava)

- (1) Prijave razmatra Komisija, koju imenuje direktor Agencije u skladu sa Odlukom o načinu formiranja Komisije za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa, kojom je određen i način rada Komisije.
- (2) Nepotpune i neblagovremene prijave, kao i prijave kandidata koji ne ispunjavaju uslove iz javnog konkursa, Komisija će odbaciti zaključkom koji se u pisanoj formi

dostavlja kandidatu, uz obrazloženje razloga za odbacivanje prijave i uputstvom o pravu na izjavljivanje prigovora Agenciji, u roku od osam dana od dana prijema zaključka.

- (3) Obaveza Agencije je da o prigovoru odluči u roku od 15 dana od dana prijema prigovora.

Član 8.

(Odlučivanje o prijavama)

- (1) Kandidati čije su prijave potpune i blagovremene i koji ispunjavaju uslove iz javnog konkursa, ulaze u izborni proces, a Komisija u zapisnik o razmatranju prijave konstatuje kod svakog kandidata po kategorijama stručnjaka da su ispunjeni uslovi iz javnog konkursa.
- (2) U toku razmatranja prijave Komisija može od kandidata zatražiti i dostavljanje određenih dokaza o ispunjenosti uslova iz javnog konkursa.
- (3) Nakon razmatranja svih prijave kandidata koji ispunjavaju uslove iz javnog konkursa, Komisija sačinjava evidenciju kandidata koji ispunjavaju uslove iz javnog konkursa, po kategorijama stručnjaka, koji potpisuju svi članovi Komisije i sekretar, i istu dostavlja Agenciji.
- (4) Prijave kandidata i ostala dokumentacija o radu Komisije se čuva u Agenciji u skladu sa propisima o kancelarijskom i arhivskom poslovanju.

Član 9.

(Utvrđivanje Liste stručnjaka)

- (1) Na osnovu evidencije kandidata koji ispunjavaju uslove iz konkursa koji utvrdi Komisija, Agencija utvrđuje prijedlog Liste stručnjaka i isti dostavlja na usvajanje svim ministarstvima obrazovanja u Bosni i Hercegovini i nadležnom odjeljenju u Brčko distriktu BiH.
- (2) Ukoliko organi obrazovanja iz stava (1) ovog člana dostave primjedbe ili prigovor na prijedlog Liste stručnjaka, Agencija iste dostavlja Komisiji, koja razmatra primjedbe ili prigovore, i može ih utvrditi neosnovanim, ili ukoliko utvrdi da su primjedbe ili prigovori za nekog kandidata osnovani, može predložiti Agenciji da se taj kandidat briše sa prijedloga Liste stručnjaka.
- (3) Ukoliko nadležni obrazovni organi iz stava(1) ovog člana ne dostave primjedbe ili prigovore na prijedlog Liste stručnjaka u roku od 15 dana od dana prijema iste ili nisu dostavili obavještenje Agenciji o usvajanju prijedloga Liste stručnjaka, smatrat će se da nisu imali primjedbe ili prigovore, odnosno da su usvojili prijedlog Liste stručnjaka.
- (4) Po steku roka iz stava (3) ovog člana, Agencija utvrđuje konačnu Listu stručnjaka sa podacima po kategorijama stručnjaka koji su određeni Odlukom o kriterijima za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa i istu objavljuje na web stranici Agencije (www.he.gov.ba).

Član 10.
(Stupanje na snagu)

- (1) Ovaj pravilnik stupa na snagu osmog dana od dana objavljivanja u „Službenom glasniku BiH“.
- (2) Stupanjem na snagu ovog pravilnika, prestaje da važi Pravilnik o načinu provođenja javnog konkursa za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa („Službeni glasnik BiH“, br. 7/17; 2/18).

Broj:
Datum:

D I R E K T O R

Prof. dr Enes Hašić